

十洲記

東 方 朔 集 准八

漢武帝既開王母說八方巨海之中有祖洲瀛洲玄洲炎洲長洲元洲流洲生洲鳳麟洲乘窟洲有此十洲乃人跡所稀絕處又始知東方朔非世常人是以前之曲室而親問十洲所在所有之物名故書記之方朔云臣學仙者耳非得道之人以國家之盛美將招名儒墨於文教之內皆絕俗之道於虛誕之迹臣故韜隱逸而赴之庭藏養生而侍朱闕矣。

亦由尊上好道且復欲抑絕其威儀也曾隨師主履行比至朱陵扶桑登海冥夜之立純陽之陵始青之下戶宮之間內遊七丘中旋十洲踐赤縣而遊五嶽行陵澤而息名山臣自少及今周流六之八廣陟天光極於是矣未若凌虛之子飛真之官上下九天洞視百方北極勾陳而并華蓋南翔太丹而棲大夏東之通陽之霞西薄寒穴之野日月所不逮星漢所不與其上無復物其下無復底臣所識乃及於是愧不足以酬廣訪矣。

祖洲近在東海之中地方五百里去西岸七萬里上不死之草形如菰苗長三四尺人已死三日者以草覆之皆當時活也服之令人長生昔秦始皇大苑中多柎死者橫道有鳥如鳥狀喙如草覆死人面當時起坐而自活也有司聞秦始皇遣使者齋草以問北郭鬼谷先生鬼谷先生云此草是東海祖洲上有不死之草生瓊田中或名為養神芝其葉似菰苗叢生一株可活一人始皇於是慨然言曰可採得不乃使使者徐福發童男童女五百人率槓樓船等入海尋祖洲遂不返。橘道士也字君房後亦得道也。

瀛洲在東海中地方四千里大抵是對會稽去西岸七十萬里上生神芝仙草又有玉石高且千丈出泉如酒味甘名之為玉醴泉飲之數升輒醉令人長生洲上多仙家風俗似吳人山川如中國也。

玄洲在北海之中戌亥之地地方七千二百里去南岸三十六萬里上有太玄都仙伯真公所治多丘山又有風山聲響如雷雷對天

西北門上多太玄仙官仙官宮室各異饒金芝玉草又是三天君下治之處甚肅肅也。

炎洲在南海中地方二千里去北岸九萬里上有風生獸似豹青色大如狸張網取之積薪數車以燒之薪盡而獸不然灰中而立毛亦不焦斫刺不入打之如皮囊以鐵鎚鍛其頭數十下乃死而張口向風須臾復活以石上葛蒲塞其鼻即死取其腦和菊花服之盡十斤得壽五百年又有火林山山中有火光獸大如鼠毛長三四寸或赤或白山可三百里許晦夜即見此山林乃是此獸光照狀如火光相似取其獸毛以緝為布時人號為火浣布此是也國人衣服垢污以灰汁浣之終無潔淨唯火燒此衣服兩盤飯間振擻其垢自落潔白如雪亦多仙家。

長洲一名青丘在南海辰巳之地地方各五千里去岸二十五萬里上饒山川又多樹樹乃有二千圍者一洲之上專是林木故一名青丘又有仙草靈藥甘露玉英靡所不有又有風山山恒震聲有紫府宮天真仙女遊

於此地

元洲在北海中地方三千里去南岸十萬里
 上有五芝玄澗澗水如饗樂飲之長生與天
 地相畢服此五芝亦長生不死亦多仙家
 流洲在西海中地方三千里去東岸十九萬
 里上多山川積石名爲昆吾冶其石作鐵作
 劍光明洞照如水精狀割玉物如割泥亦多
 仙家
 生洲在東海丑寅之間接蓬萊十七萬里地
 方二千五百里去西岸二十三萬里有仙
 家數萬天氣安和芝草常生地無寒暑安養
 萬物亦多山川仙草衆芝一洲之水味如飴
 醪至良洲者也
 鳳麟洲在西海之中央地方一千五百里洲
 四面有弱水繞之鴻毛不浮不可越也洲上
 多鳳麟數萬各爲群又有山川池澤及神藥
 百種亦多仙家寶鳳喙及麟角合煎作膠名
 之爲續弦膠或名連金泥此膠能續弓弩已
 斷之弦刀劍斷折之金更以膠連續之使力
 士擊之他處乃斷所續之際終無斷也武帝

天漢三年帝幸北海祠恆山四月西國王使
 至獻此膠四兩吉光毛裘武帝受以付外庫
 不知膠養二物之妙用也以爲西國難遠而
 上貢者不奇特留使者未遣又時武帝幸華
 林園射虎而弩弦斷使者時從駕又上膠一
 分使口濡以續弩弦帝嘗曰異物也乃使武
 士數人共射擊引之終日不脫如未續時也
 膠色青如碧玉吉光毛裘黃色蓋神馬之類
 也乘入水數日不沉入火不燒帝於是乃悟
 厚謝使者而遣去賜以牲牲乾薑等物物是
 西方國之所無者又蓋思東方朝之遠見周
 穆王時西胡獻昆吾割玉刀及夜光常滿五
 刀長一尺五寸受三升刀切玉如切泥五足白
 玉之精光明夜照冥夕出盃於中庭以向天
 比明而水汁已滿於盃中也汁甘而香美斯
 實靈人之器秦始皇時西胡獻切玉刀無復
 常滿盃耳如此膠之所出從鳳麟洲來劍之
 所出必從流洲來昔是西海中所有也
 聚窟洲在西海中甲未地地方三千里北接
 崑崙二十六萬里去東岸二十四萬里上多

真仙靈官第比門不可勝數及有獅子辟
 邪鑿齒天鹿長牙銅頭鐵額之獸洲上有大
 山形似人鳥之象四名之爲人鳥山山多大
 樹與楓木相類而花葉香聞數百里名爲反
 菟樹扣其樹亦能自作聲聲如群牛吼聞之
 者皆心震神駭伐其木根心於玉釜中煮取
 汁更微火煎如黑燭狀今可丸之名曰驚精
 香或名之爲震靈丸或名之爲返生香或名
 之爲震檀香或名之爲人鳥精或名之爲却
 死香一種六名斯靈物也香氣聞數百里死
 者在地聞香氣乃却活不復亡也以香薰死
 人更加神驗延和三年武帝幸安定西胡月
 支國王遣使獻香四兩大如雀卵黑如桑椹
 帝以香非中國所有以付外庫又獻猛獸一
 頭形如五六十日犬子大似狸而色黃命國
 使將入呈帝見之使者抱之似犬羸細充悻
 尤怪其貢之非也問使者此小物可弄何謂
 猛獸使者對曰夫威加於百禽者不必繫之
 以大小是以神麟故爲巨象之王鸞鳳必爲
 大鵬之宗百足之蟲制於騰蛇亦不在於巨

細也臣國去此三十萬里國有常占東風入律百旬不休青雲千呂連月不散者當知中國時有好道之君我王因將賤百家而貴道儒薄金玉而厚靈物也故搜奇蘊而貢神香步天林而請猛獸乘犛車而濟弱淵策驥足以度飛沙契闊途遙辛苦踐路于今已十三年矣神香起天殘之死疾猛獸却百邪之魅鬼夫此二物實濟衆生之至要助政化之昇平豈圖陛下反不知真乎是臣國占風之謬矣今日仰鑒天姿亦乃非有道之君也眼多視則貪色口多言則犯難身多動則淫賊心多飾則奢侈未有用此四者而成天下之治也武帝愆然不平又問使者猛獸何方而伏百禽食噉何物替力何比其所生何鄉耶使者曰猛獸所出或生崑崙或生玄圃或生聚窟或生天路其壽不窮食氣飲露解人言語仁慧忠恕當其仁也愛護蠢動不犯虎豹當其威也一聲叫發千人伏息牛馬百物驚斷經繫武士奄忽失其勢力當其神也立興風雲吐嗽雨露百邪逆走蛟龍騰鶩處於太上

之威投御獅子名曰猛獸蓋神化無常能爲大禽之宗主乃覆天之元王辟邪之長帥者也靈香雖少斯更生之神丸也疫病災死者將能起之及聞氣者即活也芳又特甚故難歟也於是帝使使者令猛獸發聲試聽之使者乃指獸命喚一聲獸聽良久忽叫如天大雷霹靂又兩目如礮礮之交光光朗衝天良久乃上帝登時顛蹶掩耳震動不能自止侍者及武士虎賁皆失杖伏地諸內外牛馬豕犬之屬皆絕絆離繫驚駭放蕩久許咸定帝忌之因此獸付上林苑令虎食之於是虎聞獸來乃相聚屈積如死虎伏獸入苑徑上虎頭溺虎口去十步已來顧視虎虎輒閉目帝恨使者言不運欲收之明日失使者及猛獸所在遠四出尋討不知所止到後元元年長安城內病者數百亡者太半帝試取月支神香燒之於城內其死未三日者皆活芳氣經三月不歇於是信知其神物也乃更秘錄餘香復一旦又失之檢函封印如故無復香也帝愈懊恨恨不禮待於使者益貴方朔

之遺語自愧求李君之不動邀衛叔卿於崑崙矣明年帝崩于五柞宮月支國香必人鳥山震覆却死香也向使厚待使者帝崩之時何緣不得靈香之用耶自合命殞矣滄海島在北海中地方三千里去岸二十一萬里海四面繞島各廣五千里水皆蒼色仙人謂之滄海也島上俱是大山積石至多石象八石石腦石桂英流丹黃子石膽之華百餘種皆生於島石服之神仙長生島中有紫石宮室九老仙都所治仙官數萬人居焉方丈洲在東海中心西南東北岸正等方丈方面各五千里上尊是群龍所聚有金玉珊瑚之宮三天司命所治之處群仙不飲昇天者皆往此洲受太玄生籙仙家數十萬耕田種芝草課計項畝如種稻狀亦有玉石泉上有九源丈人官主領天下水神及龍蛇巨鯨陰精水獸之輩扶桑在東海之東岸岸直陸行登岸一萬里東極有碧海廣狹浩汗與東海等水既不鹹苦正作碧色甘香味美扶桑在碧海之中

地方萬里有太帝官太真東王父所治處地多林木葉皆如桑又有樞樹長者數千丈大二千餘圍樹兩兩同根偶生更相依倚是以名焉扶桑仙人食其椹而一體皆作金光色飛翔空玄其樹雖大其葉椹故如中夏之桑也但椹稀而色赤九千歲一生實耳味絕甘香美地生紫金九玉如中夏之瓦石狀具仙靈官變化萬端蓋無常形亦有能分形為百身十丈者也

蓮丘蓬萊山是也對東海之東北岸周迴五千里外別有閩海繞山閩海水正黑而謂之冥海也無風而洪波百丈不可得往來上有九老丈人九天真王宮蓋太上真人所居唯飛仙有能到其處耳

崑崙號曰崑陵在西海戌地北海之亥地去岸十三萬里又有弱水周迴繞市山東南接積石圖西北接北戶之室東北聯大活之井西南至承淵之谷此四角大山寔崑崙之支脈也積石圖南頭是王母告周穆王云咸陽去此四十六萬里山高平地三萬六千里上

有三角方廣萬里形似偃盆下狹上廣故名曰崑崙山三角其一角正北千尺之輝名曰閩風巖其一角正西名曰玄圃堂其一角正東名曰崑崙宮其一角有積金為天墉城面方千里城上安金臺五所玉樓十二所其北

戶山承淵山又有墉城金臺玉樓相鮮如流精之關光碧之堂瓊華之室紫翠丹房景雲燭日朱霞九光西王母之所治也其官仙靈之所宗上通瘳瓊元氣流布五常玉衡理九天而調陰陽品物群生希奇特出皆在於此天人濟濟不可具記此乃天地之根紐萬度之綱柄矣是以太上名山鼎於五方鎮地理也號天柱於瑤城象網輶也諸百川極深水靈居之其陰難到故治無常處非如丘陵而可得論爾乃天地設位物象之宜上聖觀方

緣形而著爾乃處玄風於西極坐王母於坤鄉昆吾鎮於派澤扶桑植於碧津離合火精而光獸生於炎野坎總東陰是以仙都宅于海島良位名山蓬山鎮於寅丑異體元女卷巨木於長洲高風鼓於群龍之位暢靈符於

瑕丘至妙玄深幽神難盡具人隱宅靈陵所居在六合之內豈唯數處而已哉此蓋舉其標本爾臣朔所見不博未能宣通王母及上元夫人聖旨昔曾聞之於得道者說此十洲大丘靈阜皆是真仙隱墟神官所治其餘山川

萬端並無觀者矣其北海外又有鍾山在北海之千里隔弱水之北一萬九千里高一萬三千里上方七千里周旋三萬里自生五芝及神草四十餘種上有金臺玉關亦元氣之所舍天帝君治處也鍾山之南有平邪山北有蛟龍山西有勁草山東有東木山四山並鍾山之枝幹也四山高鍾山三萬里官城五所如一登四面山下望乃見鍾山爾四面山乃天帝君之城域也仙真之人入出道經自一路從平邪山東南入穴中乃到鍾山北阿

門外也天帝君總九天之維青無比焉山深周迴具有四城之高但當心有觀於崑崙也昔禹治洪水既畢乃乘躡車度弱水而到此山祠上帝於北阿歸大功於九天又禹經諸五嶽使工刻石識其里數高下其字科斗書

非漢人所書今丈尺里數皆為時書也不但刻劃五嶽諸名山亦然則山之獨高處爾今書是臣朔所具見其王母所道諸靈最為所不履唯書中夏之名山爾臣先師谷希子者太上真官也昔授臣崑崙鍾山蓬萊山及神州真形圖昔來入漢留以寄知故人此書又尤重於嶽形圖矣昔也傳授年限正同爾陛下好道思微孰心內向天尊下降並傳授寶秘臣朔區區亦何嫌惜而不上所有哉然術家幽其事道法松其師術則事多疑師願則妙理散願且勿宜臣之意也武帝欣聞至說明年遂復從受諸真形圖常帶之肘後八節常朝拜靈書以書求度脫焉朔謂滑稽逆知預觀帝心故弄萬乘傲公侯不可得而師友不可得而喜怒故武帝不能盡至理於此人矣

十洲記

洞天福地嶽瀆名山記序

鞠一

乾坤既闢清濁肇分融為江河結為山嶽或上配辰宿或下藏洞天皆大聖工真主宰其事則有靈宮闕府玉宇金臺或結氣所成疑雲虛構或瑤池翠沼流注於四隅或珠樹瓊林扶疎於其上神鳳飛虬之所產天驕澤馬之所棲或日馭所經或星躔所屬舍藏風雨蘊畜雲雷為天地之關樞為陰陽之機軸乍標華於海上或迴踈於天中或弱水之所繫或洪濤之所隔或日景所不照人跡所不及皆具經秘冊叙而載焉太史公云大荒之內名山五千其間五嶽作鎮十山為佐又龜山玉經云大天之內有洞天三十六別有日月星辰靈仙官闕主御罪福典錄死生有高真所居仙王所理又有海外五嶽三島十洲三十六靖廬七十二福地二十四化四鎮諸山今總一卷用傳好事之士其有官城處所得道姓名洞府主張仙曹品秩事條繁廣不可備書聊紀所管郡縣及仙壇官觀大數而已天復辛酉八月四日癸未華頂羽人杜光庭

於成都玉局編錄